



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Elogia Patriarcharum, Et Christi Jesu Dei Hominis.
Emanvelis Thesavri Patritii Taurinens. Et Aloysii Jvglaris è
Societate Jesu**

Giuglaris, Luigi

Francofurti, 1684

Osculo proditur. 49

urn:nbn:de:hbz:466:1-38349

*Christus vel ex sua
patientia agnitus
Deo.*

*Homines enim facile
irascuntur, ut qui
habent spiritum
in naribus.
Vide Tertul. & Cypr.
lib. de patientia.*

*Venit Iudas cum la-
ternis & facibus.*

*Furiarum arma ta-
da, ut apud Poetas.*

*Mortui enim soliti
ita ad sepulcrum
deduci.
Fætebat et si non-
dum quatriduanus.
Reg.4. c.4.
Cum Satanus jam ei
misisset in cor, us
cum tradiceret.*

*Insufflavit, & dixit,
accipite Spiritum
Sanctum.*

*Spongia, sel, & ace-
tum eluerunt labem
Christi labris im-
pressam à Iuda
osculo.*

*Ipsa illum summi boni notitia perdidit.
Agnosci Christus Divinitatem suam,
Vel ex tam impuri patientia osculi, voluit.
Alia quælibet patientia, qui Dei non fuisset,
Tam turpe monstrum
Ab ore suo procul excluderet.
At non hoc novum in Deg,
Quod hoc se hostibus describat indicio;
Æque admirabilis, quod possit omnia agere,
Ac quod non recuset tam multa pati.*

ELOGIUM XLIX. OSCULO PRODITUR.

Matth.26. Marc.14. Luc.22. Joan.18.

*Ne tu plane cœcus es Juda.
Qui cum laternis, & facibus
Solem quæras?*

*Tribus Erebi Furiis addidisti te quartam;
Habes & tu tædas tuas.
Quibus Mundi lucem
Non ageas, sed extinguis.
Hac pompa luminum.*

*Funus tuum deducis mortuus Deo.
Jam fœtentem excitare qui vult.*

*Vitæ Auctor
Elisæum æmulatus os ad os applicat.*

*At Satana cordis areem tenente
Nihil in ore proficiens,
Opportunitate osculi usus.*

*Repetit à te Spiritum tuum,
Quem sui prodigus,
Non una tantum insufflaverat dic,
Profanatum contactu tam fœdo est
Divinissimum guttur.*

*Venire mox ad Patris oscula horruit,
Nisi se prius,
Qua felle, qua aceto lavaret.
Fuit hæc tota sitis ejus in Cruce,*

De

Detergere spongia voluit,
Sed quid in labiis de osculo supererat,
In eo cum gustasset
Assequutus jam vota bibere noluit.
Dedicatum è contra
Tam Sancti communione halitus
Proditoris os est;
Vel imprudentissimo Spiritui facta Religio,
Ne per illud egredi jam auderet,
Suprema necessitate
Pellente illum in locum suum.
Aliam sibi per fracta viscera viam fecit.
Suo malo didicit perfidus
Solis Deum Amoribus capi,
Funes illi per amplexus intentat,
Morsus per oscula.
Omnem supellectilem Charitatis
In usum odii traxit.
Hostilem animum texit in iis,
In quibus detegi benevolus solet,
Passus Deus non est
Majorem inesse perfidiam homini.
Quam Clementiam sibi.
Periclitari apud impios voluit
Famam scientiae,
Non item patientiae suae.

*Non erat igitur situs,
sed hoc ad alium si-
nem adhibita.*

*Impurus enim ani-
mus novam sibi per
visceraviam pate-
fecit ad exitum, quia
suspensus crepuit
medius.*

*Trahitur ipse met
Deus solis vinculis
charitatis.*

*Supellex charitatis
titulus honorificus.*

*Dubitare enim quis
posset ideo admisisse
illum Iudam, quod
ignoraret animum
eius, ideo Evangelista,
sciens omnia,
quaे ventura erant
super eum.*

ELOGIUM L. A SUIS DESERITUR.

Matth. 26. Marc. 14. Luc. 22. Joan. 18.
Solus relinquisti Christe nolueras,
Parcius debueras esse, quam fueris;
Te ipsum dedisti, cur te non deserant,
Qui à te ultra nihil expectant?
Ad hamum sine illicio
Nec pisces, nec pescatores accurrunt.
At omnes beare qui veneras,
Nullum tui causa miserum pateris.

*Vulgaris amicitias
utilitate probat.*

*In Eucharistia se
ipsum dederat.*

*Alludit ad illud, si
autem me queritis,
finite hos abire.*

Sagi-